

# EXAMINATIONS COUNCIL OF ZAMBIA

Examination for General Certificate of Education Ordinary Level

**Lunda**

**3147/1**

**Chipapilu chatachi**

**Friday**

**4 AUGUST 2017**

Yuma Yikwawu Yakuzatisha  
Mukanda wakwakwila

**Mpinji: Ora zhiyedi**

**Nshimbi kudi akakusoneka**

Sonekaku izhina deyi, nambala yelufiã diwunakusonekela ni nambala yeyi hamukanda wafiakwili.

Tafaku nshimbi zhezhiba zhidi kukutachika kwa malwihu. Akulaku malwihu ezhima ha chipapilu chachefi chinakwinkuwu.

Munichi chipapilu mudi yibalu yisatu.

Muchibalu chatachi mudi yituã. Sakulaku nakusoneka hamutu wansaãu wumu hohu.

Muchibalu chamuchiyedi mudi nyikanda yitaanu, sakulaku nakwakula hanyikanda yiwaana hohu.

Muchibalu chamuchisatu mudi yishimu. Akulaku yishimu yezhima kweseka nanshimbi zhinakwinkiwu.

Malowa akusoneka kunsã yalwihu – hilwihu.

Zhinshiã hizheteshewa mukapeka kakusonekelaku.

**A CHIBALU CHATACHI – CHITUÑI – MALOWA.....[40]**

Anakwinki nyitu yansañu yisatu. Yitañi nankashinshi nkumininaku wusakulihu mutu wansañu wumu hohu. Sonekaku nawunyozhi nikashinshi. Zatishaku Chibalu chimu nachikunku chachipapilu hela nsona kuvula hakachi kankulakazhi zhiyedi namakumi atanu nakushika kunkulakazhi zhisatu namakumi atanu.

- (a) Anvwali anakwaba nawu anyana amafukwanu hiyanakulumbulukaku. Nawu anaswezhi kwimita nakwimitisha nankashi, nawa anakisiki. Twesekezhi netu iku kwaba dimu. Sonekaku yuma yinakukozhezha anyana kubula kulumbuluka ni yuma yatela kwilawu anvwali kulonda anyana abuleña kwimita hela kwimitisha kulonda kuhanda kwawanyana kulumbulukeña.
- (b) Antu amakwawu nawu kutala nyevulu hachisanzhi chanyevulu hikukisa hohu mpinji. Amakwawu nawu yisanzhi yanyevulu yinakukwasha atudizi adi kushikola kutañilaku yuma yayivulu. Sonekaku chituñi kwitezha hela kukana.
- (c) "Hansañu yamatuña nachiyuulu, chinashimunewi nawu, nfulumendi yetu ya Zambia yinazati nyidimu yalema nankashi swezhe-e yakutuña nyikwakwa mutubeta twezhiba munu mu Zambia." Sonekaku mukanda kudi ibwambu deyi wunakushakama kwiluña dekwawu kulonda wumulezhi kulema kwanyikwakwa.
- (d) Desekezhi neyi yeyi mukulumpi wawakoñi amuchipatela amukambi yenu. Dichi wahitili muyipatela nakutambula nyabu kufuma kudi ankoñi. Nyabu yadiñi neyi :
- Kukeha kwawakoñi muyipatela
  - Kukeha kwazhinfwetu
  - Kubula hawendeli
  - Anyana awambanda kwimita mavumu
  - Kubula kutwala anyana nakuyipimisha
  - Kubula kwiluka kulema kwayipatela
  - Kubula kwa matala awankoñi
  - Ankoñi kunwanwana mawalwa mpinji ya nyidimu
- Sonekaku nakashinshi yihosha yenyi kulonda wakayitañi kudi mpumba (minisita) watalaña kuyipatela.

**B CHIBALU CHAMUCHIYEDI – NYIKANDA – MALOWA.....[40]**

Hanyikanda yitanu yinakwinkiwu, sonekaku nakwakula malwihu hanyikanda yiwaana hohu.

**1 SAYITAMBA: (Brighton K. Matoka) [10]**

(a) Wadiña nakumona mpata yamwanta ... mukabeta kamu. Mukabeta kenaka mukwenzi watwesheli kumona chaana cheneni hama. Kunsu ya chaana kwakulishili kaloña kamatu nakundumbela dimu-dimu. Kaloña kenaka kayili nakusaña mukekwawu.

(i) Yeniwu muntu wadiña nakumona mpata yamwantanyi? [1]

(ii) Tenaku izhina da chaana chadiña nakumonayi. [1]

(iii) Kaloñanyi wasañili mukadyamakomu? [2]

(iv) Indi mukala wa konyikemba wemeni heseki damuchidinyi? [2]

(b) Mukachi kantulu ya Sayitamba, muchima windi weteleña neyi ñoma yamufunza muloña mukala wadiñiyi nakumonayi kwanyiluñu yamatala, wamwikeleña chikela cheneni nankashi.

(i) Muloñadi muchima wa Sayitamba wadiña nakweta? [2]

(ii) Tenaku yilwilu yiyedi yaheña yamweniyi Sayitamba hamukala windi. [2]

**2 NOLIYA: (B C Kakoma)**

(a) Chelili kunashali dehi mafuku antesha nakudisokezha, Matewu watemesheli nsewu ni Yuma yonsu kumukala kudi amandumi zhidi kulonda wena akalubuli kudi tuwuku twindi.

(i) Yumanyi yadiña nakwilayi Matewu mpinji yezhima yadiñayi nakuzatiyi? [1]

(ii) Indi akalemba na kankaña aditezheleli nawu chidika chakekala kudihi? [1]

(iii) Indi nsewu hichumanyi? [2]

(iv) Tenaku izhina da taata ya Matewu. [1]

(b) Dichi wamulezheli Mukwawu Matewu nindi hela tuhu wundeli wuneñili dehi nankashi mwituña, ilaña nawa chiña antu ekala ababala. Chiña ahembi nañovu tushidikilu niyizhila yawu yikwawu yekala muchisemwa.

(i) Hinyi wadiña nakulezha Matewu mazu akuhemba chisemwa? [1]

(ii) Sonekaku Yuma yiyedi yalema yahosheli iwu muntu wunateni mu (i). [2]

(iii) Mazwinyi ahosheliyi Kaduwa kunsu yakumana kwachidika? [2]

**3 CHIHANDILU CHA KABUCHI: (M S CHILAYI) [10]**

- (a) Dichi chikwachilli, mwanta watambikili ampumba zhidi kulonda ahoshi hansaŋu ya Kabuchi. Chezhiliwu, mwanta wayiŋililili kwishina nakuhosha nindi, “Ami namoni nami iwu kabuchi inakumuhaŋa hanyidimu muloŋa hanakukoŋa chiwahiku ...”
- (i) Tenaku mazhina awapumba zha mwanta. [2]
- (ii) Hakachi kanawa ampumba, hinyi wadiŋa mukulumpi? [1]
- (iii) Muloŋadi mwanta atambikiliyi ampumba zhidi? [2]
- (iv) Indi Kabuchi wetezheli kuzata hadi yaaka yiŋahi hanyima yakumukakela kudi mwanta? [1]
- (b) Taŋaku iwu mukanda

Chitokoloki Upper School,  
P.O. Box Chitokoloki,  
Balovale.  
10<sup>th</sup> August, 1939.

Kudi Kabuchi,

Nasakililiku hakumona mukanda weyi. Chochenochu twalakuhu nanyidimu yeyi kulonda wakawaniku tumapeni twakudikwasha nachu. Tunakutiya kuwaha nankashi hakutiya neyi wunakukoŋa chiwahi. Shaku muchima weyi hanyidimu, bayi wuluwaŋaku; shikola wakayiwana. Nzambi akuhembi munyidimu yeyi.

Kunahu, itala dezhima dinakwimushi.

Ami wenu,

Headteacher, Chtokoloki Upper School

- (i) Sonekaku izhina dawasonekeli mukanda wudi hewulu. [1]
- (ii) Sonekaku kakwezhi odi muniwu mukanda mu Lunda. [1]
- (iii) Hakukumisha kutaŋa iwu mukanda, Kabuchi watweli kudihi masheleŋi indi? [1]
- (iv) Indi awa masheleŋi adiŋa nakuyihemba kudinyi hatachi? [1]

**4 YISHIMU YAWANTU NATUNYAMA: (O J Katota)**

- (a) Kukukumisha chimbu wanfutuli chefi kumukala wawu nakukeña mali akusumbwisha. Adikanini chakola namumbanda nawu neyi kunenzi iyala wachefi bayi aketezhaku.
- (i) Indi chimbu wayili nakwota mumbanda hamukala wanyi? [1]
- (ii) Tenaku izhina daniwu mumbanda. [1]
- (iii) Hanyima yakwota iwu mumbanda, mazwinyi ahosheliwu antaña zhamumbanda? [2]
- (b) Chimbu watwelihu nakudihameka hamesu a kachinchi nindi, "Ami hiyankanaña kudi ambandaku ... chamonayi ninyima ngwa."
- (i) Yumanyi yezheli mumuchima wa kachinchi hakutiya chimbu wunakudihameka? [1]
- (ii) Chikwachili nabudidi yayeni kachinchi welili ñahi? [1]
- (iii) Indi iwu mumbanda wadiña hamukala wanyi? [1]
- (c) Chadiwahishiliyi chimbu to-o, anyamukili nakuya kuwulu wawu.
- (i) Chumanyi chamwekeni muzhila? [1]
- (ii) Muloñadi kachinchi chakotweliyi chiputa? [1]
- (iii) Yumanyi yamwekeni kudi chimbu hanyima yakushika hawulu windi? [1]

**5 KWENDA KWAMUKWAKRISTU: (J Bunyan) [10]**

- (a) Kwakamwihi kwakaminiwu a mukwakristu hamu nawa chiñezha kwadiña itala deneni nankashi dakutuña namalola ...
- (i) Tenaku izhina danidi itala [1]
- (ii) Tenaku izhina damwini itala [1]
- (iii) Mweni itala hakumenaka budidi nakwenduzhola mumahindi hakuwana antu ayedi anakami mumpata yindi. Tenaku mazhina anawa antu. [2]
- (b) Mumbanda hakulezha nafumwindi nindi, chiwukutona hakucha chiña wuyihumpuli nankashi, bayi wuyitiyila luwuku.
- (i) Tenaku izhina daniwu mumbanda. [1]
- (ii) Yumanyi yazatishiliyi hakuyihumpula? [1]
- (iii) Wena kwawu ashalili (a) ..., nikudishishimoka nikutumpa (b) ... [2]
- (iv) Tenaku izhila zhiyedi mwateleleliwu awa antu adiña muwina kudizhaha kweseka nakuhosha chamweni mpata. [2]

**C CHIBALU CHAMUCHISATU YISHIMU - Malowa - [20]**

**(a) Manishaku iyi yishimu**

- (i) Chaha mwanda kwashala yishinzhi, ..... [2]
- (ii) Kasumbi hazowayi neli mukumbu, ..... [2]
- (iii) Tala mwiwulu mukwenda mavu, ..... [2]
- (iv) Dikwilu da chiyimbi, ..... [2]
- (v) Musamba kutaluka kwimba nyonzhi, ..... [2]

**(b) Lumbululaku mwaya iyi yishimu**

- (i) Kutukena hachaana kuditañala lufuchi. [2]
- (ii) Chombu wasema hadisawilaña muhetuku. [2]
- (iii) Izela-zela dankumbi; Eyi neyi kaana komana taata yawu. [2]
- (iv) Kashinakazhi nakufwa chimbu nakunyinya nwi. [2]
- (v) Chiseki chahamukala chikweti wema walwa. [2]

**Wunamanishi**

[gidemy.com](https://gidemy.com)